




[ETO RAHA HIJERY NY VIDEO](#)

Raha 18 taona aho tamin'ny 13 Mey 1972 dia mazava f'efa tanora ampy taona aho no nanomboka nandray anjara tamin'ny tolom-bahoaka rehetra nisy teto Madagasikara, teo ambanin'ny fitondran'ny Filoham-pirenena rehetra voafidy sy Filohan'ny tetezamita (« transition ») rehetra nifandimby, teo anelanelan'ny Filoha Philibert Tsiranana sy ny Filoha Andry Rajoelina. Fa ity farany, hatreto no nahavita namaha olana eo amin'ny fiarahamonina tsy hafahan'ireo olom-bitsy hasahy hilaza fa nanao « *werawera* » na koa nanao propagandy « *alohan'ny fotoana* »

. Tany Mahajanga no niseho ny tranga mbola tsy nanam-paharoa ary tena ao anatin'ny hoe « *sosialim-bahoaka* »

mivantana. Mamakia ary mitadiava hevitra hafahanareo mahita ilay vidéo.



Ny atao hoe didim-pitsaran'i Sôlômôna na koa ny Fitsaran'i Sôlômôna dia fanapahan-kevitra na tsoa-kevitra naroso avy amin'ny Tantara ao amin'ny Baiboly hebreo. Tantara milaza fa i Sôlômôna, nitarika ny fanjakan'ny Israely, dia nanapa-kevitra tamim-pahendrena ny fifandirana teo amin'ny vehivavy roa, izay samy milaza ho renin'ny zaza iray ihany.

Ny Bokin'ny Mpanjaka Voalohany (3, 16-28) dia mitantara ny fifandirana nisy teo amina vehivavy roa izay samy niteraka, fa ny zaza iray tsy azo fa sempotra. Dia ilay zaza iray velona no lasa niadivan'izy roa avy eo.

Mba handaminana io fifandirana io, dia nangataka sabatra, na antsy lava, i Sôlômôna ary nanome baiko hoe: “ **Zarao roa ny zaza velona, ka omeo ny iray ny antsasany, ary ny antsasany ho an'ny faharoa**” .

Nanambara ary ny iray tamin'ireo vehivavy fa aleony manome ilay zaza toy izay mahita azy ho faty. Tamin'izany no nahafantaran'i Sôlômôna ny tena renin'ilay zaza. Nomeny ilay vehivavy iray ilay zaza ka voavonjy ny ain'ity farany.

Ny lesona manan-danja lehibe azo tsoahina amin'ity Fitsaran'i Sôlômôna ity dia ny nahatongavana tamina fanapahan-kevitra toa mahafam-po ny rehetra ka tsy adino anefa ny fitadiavana ny rariny marina.

Ny famakafakana ny fihetseham-po nitarika ny fifandirana (fialonana ho an'ny tsy reny, ny maha-reny ho an'ny tena reny) dia nanan-danja kokoa noho ny famantarana ara-materialy.

Ny fampitoniana ny andaniny sy ny ankilany, vokatry ny fahamarinana tena marina, dia nandinika ny fihetseham-po ao anaty nisy teo amin'ilay tena reny : niverina taminy ny zanany fa voasazy kosa ilay reny iray saro-piara : resy ny fikasan-dratsy, nahazo valisoa kosa ny fitiavana.

Ity fanoharana ity dia azo ampiasaina ho fanoharana ny didy hoe tsy voatery rariny ny rariny (“**JUSTICE N'EST PAS EQUITE**”).)

disadisa.

Fokontany Mahavoky avaratra ao Mahajanga I no misy ilay tany ifandirana. Taorian'ny fandalovan'ny rivodoza Kamisy, tamin'ny taona 1984, izany hoe 39 taona lasa, dia nisy fianakaviana napetraka tamina tany tsy misy tompony, ao Mahavoky avaratra, Mahajanga I izany.



Tamin'ny herinandron'ny 6-10 Febroary 2023, dia nisy nilaza ho tompon'ny tany ary nandrara ireo fianakaviana tafakatra 28 tafo, hiditra ao amin'ilay faritra misy ny trano fonenany, ary ny zoma 10 Febroary dia nitondra bulldozer mihitsy nandrava izay trano nitsangana teny. Ny sabotsy 11 Febroary 2023 dia nidina teny an-toerana ny Filoham-pirenena, Andry Rajoelina, ary nihaino ny andaniny sy ny ankilany. Samy nanana ny filazany moa ka dia izao ny fanazavan'ny Filoha Rajoelina sy ny vahaolana hitany ka ho tontosaina faran'izay aingana :

« Nisy cyclone, izay izany ilay tantara, dia notadiavana trano ilay vahoaka izay tra-boina, dia napetraka teto amin'ity toerana ity. Rehefa napetraka teto amin'ity toerana ity, dia tsara fanta-tsika izany, hoe : Ramose ato miteny fa an'ny Mamany ity tany ity. Izay izany no zava-misy. Dia rehefa nipetraka teto izany ianareo vahoaka tamin'izany dia nanajary ny tany, dia nanao trano. Dia ny zavatra tiako ho fantatra dia hoe : tamin'ny 1984-1986 iza no tompon'ny tany ? Izay izany ny fanontaniako voalohany. Hita ao anatin'ny titra anie izany e.



Ny olana misy, izay hitan-tsika eto dia olana misy manerana an'i Madagasikara : RESAKA ADY TANY. Ny mpiray tam-po, na mpiara-monina, dia misy ny ady tany. Ny fahafantarako ilay izy dia izao : tonga ny cyclone dia napetraka teto ianareo. Dia efa nisy nangataka ilay tany. Ianareo (TTF : zanak'ilay Madame Denise) nangataka 7 ares, azo jerena amin'ny titre izany. Ianareo taminy 1985 no nipetraka teto (TTF : ireo vahoaka 28 tafo) dia nisy nangataka ny tany mirefy 7 ares. Dia nandeha ny taona dia nisy nanao reconnaissances dia hoe nisy nangataka 28 ares 59 centiares. Izay no zavatra nisy.

Dia izao no olana misy araka ny fahafantarako izany : tamin'ny 2006 no titré taminareo ny tany. Ny olana misy dia izao, ary tena olana be mihitsy ity zavatra resahan-tsika ity, iadivan'ny... miala tsiny aho miteny ity fa izay no marina : OLANA IADIVAN'NY MAHAY TARATASY SY NY TSY MAHAY TARATASY.

Satria, ry zareo, tamin'ny nangataka dia nahazo titra tamin'ny 2006 ary tsy 7 ares intsony tamin'izany taona izany fa 28 ares 59 centiares. Izay no ao anaty titra. Henoy tsara : amin'izao isika miteny izao izany, izao no zavatra marina sy misy erak'i Madagasikara : Raha ny zavatra ARA-DALANA dia an'i Ramose ato ny tany. Izay no izy. Andraso aloha, aza mbola mitehaka. Fa raha ARA-DRARINY dia izay nanazary teto no tompon'ny tany. Izany hoe ianareo 28 tafo no tompon'ny tany.



Dia izao no zavatra misy : rehefa tonga any amin'ny tribonaly ny raharaha, dia ny tribonaly mijery hoe iza no manana titra. Azonareo ilay izy ? Dia izay no mahatonga ny tribonaly hoe miala eo ianareo satria ry zareo no manana titra. Izay izany ilay zavatra marina teneniko anareo. Ny olana dia izao : ianareo tsy nangataka fa raha nangataka ianareo efa azonareo ny tany. Izay izany no zavatra misy amin'izao isika miteny izao. Ny olana misy dia, raha tokony ho izy, raha Fanjakana mijoro sy manara-dalàna dia tokony izay nanajary ny tany no omena ny tany. Izay izany no tokony ho izy. 38 taona ianareo no nipetraka teto, nanajary ny tany, dia tokony ianareo mipetraka eto no manana ny tany. Ny olana anefa rehefa jerena ny titra dia

tonga any amin'ny tribonaly izay ny taratasy no jereny dia lasa tonga amin'izao olan'ny fiarahamonina izao izany isika, amin'izao miteny izao.

Matoa aho tonga eto, dia izaho mihaino vahoaka. Ny ranomasonareo no henoko. Satria ny ramatoa iray ity nitomany ; misy olona manana fahasembanana, misy ray aman-dreny efa manana zafikely teto, nipetraka teto ny taranaka iray manontolo. Nojereko ny tomany fa tomany avy any amin'ny fo, tsy tomany setro-dranomaso fa tomany avy any amin'ny fo no nataonareo. Noho izany, tonga eto ahy, hijery vahaolana isika. Hijery vahaolana ho anareo, hijery vahaolana ho antsika rehetra.

Ny fahitako azy dia izao : ho jerentsika akaiky aloha ny mikasika ilay titra. Ny nampalaheho ahy, satria nanontany anareo aho hoe : nangataka ny tany ve ianareo ? Marina lazaina ahy (Valiny : nisy nangataka toa ny zanak' i Madame Thérèse hita sy re ao anaty VIDEO).



Izay nangataka, raha ohatra ianao nangataka dia ho jerena ny fangatahanao. Azonareo ilay izy ? Oviana ianareo no nangataka ? Izay ilay noteneniko anareo hoe : raha ny tena izy -satria ianareo niantrana no nipetrahanareo teto- raha amin'ny ara-dalàna, dia izay misoratra ao anatin'ny titra no tompony. Izay ilay noteneniko teo.

Fa raha amin'ny ara-drariny, ny lalàna eto Madagasikara, ny Lalampanorenana, ny lalàna mihitsy dia miteny fa : **IZAY MANAJARY NY TANY NO TOMPON'NY TANY.**

Eo izany no ho jeren-tsika hoe inona no vahaolana ? Fa tsy maintsy mijery vahaolana isika androany.



ny filoha Rajoelina sy ny Fitsaran'i Sôlômôna avaratra

ny filoha Rajoelina sy ny Fitsaran'i Sôlômôna avaratra

ny filoha Rajoelina sy ny Fitsaran'i Sôlômôna avaratra

ny filoha Rajoelina sy ny Fitsaran'i Sôlômôna avaratra

ny filoha Rajoelina sy ny Fitsaran'i Sôlômôna avaratra